

Verkáætlun um sjálfsmat í Kvennaskólanum í Reykjavík árin 2006-2008

Í samræmi við 6. grein skólasamnings 2006-2008 leggur Kvennaskólinn í Reykjavík fram þessa verkáætlun um sjálfsmat til næstu þriggja ára. Sjálfsmati í Kvennaskólanum er ætlað að leiða í ljós styrkleika og veikleika skólastarfsins og vera grundvöllur umbótastarfs. Sjálfsmatinu er ætlað að ná til allra helstu þátta skólastarfsins svo sem framkvæmdar þess og árangurs, kennslu, stjórnunarháttanna og samskipta innan skólans.

Þróun sjálfsmats

Á tímabilinu 2006-2008 verður lögð áhersla á endurskoðun og endurbætur á þeim matsaðferðum sem hafa verið notaðar síðastliðin ár og þróun nýrra aðferða til að auka breiddina í matinu.

Verkefni matshóps í þessu samhengi eru:

1. að fara yfir spurningar í kennslumati nemenda og breyta þeim eftir því sem þörf þykir.
2. að vinna að þróun matslíkans fyrir kennara til að meta eigið starf.
3. að þróa matslíkan til að nota við mat stjórnenda á kennslu.
4. að skoða aðferðir til SVÓT greiningar.
5. að skoða matslíkón til mats á stjórnunarháttum.
6. að fara yfir spurningar þær sem notaðar hafa verið til að meta viðhorf nemenda og starfsfólks til skólans og breyta þeim eftir því sem þörf þykir.
7. að skoða hvort einhverja þætti í starfsemi ætti að skoða sérstaklega, þ.e. umfram það sem gert er í almennri viðhorfskönnun.
8. að skoða möguleika á því að kanna meðal útskrifaðra stúdenta hvernig námið í Kvennaskólanum nýtist þeim, hvert þeir fara að loknu námi hér, hvernig undirbúning námið í Kvennó veitir fyrir framhaldsnám o.þ.h.

Hingað til hefur mat á kennslu einungis falist í mati nemenda á kennslu kennarans. Vilji er fyrir því að útvíkka þetta mat til að fá fram fleiri sjónarmið og eru liðir 1-3 hér að ofan settir fram í því skyni. Með því að skoða kennsluna frá þremur sjónarhornum, sjónarhorni nemandans, skólastjórnandans og kennarans sjálfs hlýtur matið að gefa mun skýrari mynd en þá sem einungis nemendamatið gefur.

Matsaðferðir

Þær matsaðferðir sem notaðar verða á tímabilinu eru:

- kennslukönnun sem er meginleg netkönnun meðal nemenda sem fjallar um kennslu, undirbúning og framsetningu kennara á kennsluefni, viðmót kennara o.fl.
- viðhorfskönnun sem er meginleg netkönnun meðal nemenda og starfsfólks sem fjallar um ýmsa þætti í starfsemi skólans, aðbúnað o.fl.
- matslíkan fyrir kennara til að meta eigið starf.
- matslíkan fyrir stjórnendur til að meta kennslu kennara.
- könnun á starfsumhverfi og stjórnunarháttum sem er meginleg netkönnun meðal starfsfólks.

- greining á tölulegum gögnum úr Innu varðandi innritun, útskrift, skólasókn o.fl.
- SVÓT greining.
- Starfsmannaviðtöl.
- aðrar þær aðferðir sem endurskoðunarvinna matshóps kann að leiða í ljós.

Tímaáætlun sjálfsmats

Við sjálfsmatið verður fylgt eftirfarandi tímaáætlun:

nóvember 2006

Starfsmenn Kvennaskólans taka þátt í viðhorfskönnun á vegum fjármálaráðuneytisins um starfsumhverfi og stjórnun.

nóvember 2006

Stjórnendur Kvennaskólans sækja námskeið um stjórnunarmat í opinberum rekstri á vegum Endurmenntunar HÍ.

Nóvember 2006 – janúar 2007

Sjálfsmatsskýrsla fyrir skólaárið 2005-2006 fullgerð og vistuð á heimasíðu skólans.

janúar – febrúar 2007

- Matshópur endurskoðar spurningar í kennslukönnun ætlaðri nemendum og lagfærir þær sem þurfa þykir.
- Matshópur ákveður hvaða þætti starfseminnar ætti að skoða sérstaklega með viðhorfskönnun á þessari önn.

febrúar – mars 2007

Starfsmannaviðtöl

mars 2007

- Könnun á kennslu lögð fyrir nemendur.
- Viðhorfskönnun lögð fyrir nemendur og kennara.

maí – júní 2007

- SVÓT greining.
- Greining tölfræðilegra upplýsinga úr upplýsingakerfi skólans.

júní – september 2007

Greining gagna vegna innritunar, umsóknartölur, upplýsingar um umsækjendur, gögn frá Námsmatsstofnun o.þ.h.

október 2007

Sjálfsmatsskýrsla fyrir skólaárið 2006-2007 fullgerð og vistuð á heimasíðu skólans.

febrúar – mars 2008

Starfsmannaviðtöl – einkum við nýja starfsmenn og þá sem eru að vinna að sérstökum þróunarverkefnum.

mars 2008

- Könnun á kennslu lögð fyrir nemendur.
- Viðhorfskönnun lögð fyrir nemendur.

maí – júní 2008

- SVÓT greining.
- Greining tölfræðilegra upplýsinga úr upplýsingakerfi skólans.

júní – september 2008

Greining gagna vegna innritunar, umsóknartölur, upplýsingar um umsækjendur, gögn frá Námsmatsstofnun o.þ.h.

október 2008

Sjálfsmatsskýrsla fyrir skólaárið 2007-2008 fullgerð og vistuð á heimasíðu skólans.

október – nóvember 2008

Könnun meðal starfsfólks til mats á stjórnunarháttum.

Þar sem leggja á áherslu á endurskoðun og endurbætur á þeim matsaðferðum sem hafa verið notaðar síðastliðin ár og þróun nýrra aðferða til að auka breiddina í matinu á þessu þriggja ára tímabili, getur farið svo að einhverjar breytingar verði á matsáætluninni, t.d. að einhverjir þættir komi inn sem ekki hafa verið nefndir hér að ofan.

Skýrslur

Eins og fram kemur í tímaáætlun er gert ráð fyrir því að sjálfsmatsskýrsla skólans verði fullgerð að hausti ár hvert. Í henni verða dregnir fram helstu styrkleikar og veikleikar í skólastarfinu og settar fram tillögur til umbóta þar sem þeirra er þörf. Skýrslan verður gerð aðgengileg á heimasíðu skólans.

Kvennaskólanum í Reykjavík 18. desember 2006

Oddný Hafberg
skólameistari

Ingibjörg Axelsdóttir
aðstoðarskólameistari

